



Inatsisartunut ilaasortaq
Stine Egede
Inuit Ataqatigiit

Ivaaraq pillugu § 37 naapertorlugu apequttip 2019-015-ip akineqarnera

25-01-2019
Suliap nr. 2019 - 958
Akt. id. 9839315

Asasara Stine Egede

Postboks 260
3900 Nuuk

Matumani Ivaaraq pillugu apequtit nassiussatit akissuteqarfigaakka.

Oqarasuaat (+299) 34 50 00
Naqitanik nassitsigasuaat +299
34 66 66

E-mail: iian@nanoq.gl
www.naalakkersuisut.gl

1. Ivaaqami Qaqortumiittumi najugaqartut suminggaanniit aggerfeqarpat? (assersuutigalugu; Qaqortoq, Nuuk, Maniitsoq, Tasiilaq il. il.)

Ivaaraq inunnet annertuumik timimikkut tarnimikkullu innarluutilinnut (annertuumik innarluutillit) nuna tamakkerlugu ulloq unnuarlu paaqqinniffiuvoq. Tamanna pillugu nunami tamaneersunit najugaqarfigineqarpoq. Tamanna pillugu nunami tamaneersunit najugaqarfigineqarpoq.

2. Ivaqqap illunut marlunnut agguataarsimanera suna uuttuutigalugu ilai sungaartumiippat, ilaalu tungujortumiillutik?

Ivaaraq marlunnik immikkoortortaqqarfeqarpoq illuutitigut avinneqarsimasunik. Piffissami matumani immikkoortortami sorlermiinnissami tunngaviumik aalajangiisoqarnikuunngilaq. Inuup ataasiakkaap sumi najugaqarnissaa pillugu pineqartup pisariaqartitai najugaqartullu katitigaanerata aalajangiinissamut tunngaviusarput.

3. Qummumi immikkoortortaqqarfik sooq atorunnaarpa, sumullu ullumi atorpa?

Sulisut piukkunnaatillit atorfinitsinnissaat tigummiinnarnissaallu ajornarmat immikkoortortaqqarfiup Qummup matuneqarnerata pissutigaa. Qummup illutaa ulloq unnuarlu paaqqinniffimmut Inuusuttut Inaannut tunniunneqarpoq.

4. Ivaaqami ineqartut ilaqarpat avannaani inissaaleqineq tunngavigalugu Ivaqqamut inissinneqartariaqartunik?

Ivaaraq inunnet annertuumik timimikkut tarnimikkullu innarluutilinnut (annertuumik innarluutillit) nuna tamakkerlugu ulloq unnuarlu paaqqinniffiuvoq.

5. Ivaqqami sulisut sunik ilinniagaqarpat?

Perorsaasutut suliaqarnermut suliffimmi atorfillit tassaapput perorsaasut, isumaginninnermi ikiortit, meeqqerisut peqqinnissamullu ikiortit.

6. Ivaqqami sulisut ilinniagallit naammattut pigineqarpat?

Naamik, sulisut ilinniarsimasut atorfiit tamakkeratik inuttaqarput. Taamatut perorsaasunik sisamanik suli aamma atorfinitsitsisoqassasoq kissaatigineqarpoq. Tamatuma saniatigut

atorfinnik amerlassusiliinermi timimik sungiusaasumut atorfik inuttalernerqartussatut aalajangigaavoq. Naak atorfimmut allagarsiuisoqaraluartoq suli atorfik inuttalernerqanngilaq. Oqaatigineqassaaq peqqinnissaqarfillu timimik sungiusaasumik ataatsimik ataatsimut atorfinitsisinissaq isumaqatigiissutaasimasoq. Maannakkut sumiiffimmi timimik sungiusaasup sapaatip akunneranut akunnialuit atornerqartarnissaa pillugu isumaqatigiittoqarsimavoq.

7. Ivaaqqami qassit atuartarpat?

Piffissami matumani Ivaaqqami meeqqat arfinillit atuartuupput. Ivaaqqami meeqqat atuartut immikkut ittumik immikkoortortaqaqarfinmi "Tungujortuaraq"-mi atuartinneqartarput. Ivaaqqami atuartitsineq ingerlanneqarneq ajorpoq, kisianni najugaqartut ineriartornerat attatiinnarniarlugu ineriartorteqqinniarlugillu, perorsaanermi periutsit sianutikkut innarlerneqarnikunut tunngaviusut aallaavigalugit sulisoqartarpoq.

8. Naalackersuisut pilersaaruteqarpat angerlarsimaffimmik assingusumik pilersitsinissamik, soorlu Qeqertarsuup Tunuani?

Naalackersuisut paaqqinniffimmut assingusumik ammaanissamik pilersaaruteqanngillat.

a. Ivaaqqatulli ilusilimmik inunnullu qulinut inissaqartitsisumik pilersitsinissaq qanoq aningaasatigut naleqassava?

Tamanna pillugu naatsorsuisoqarnikuunngilaq.

Inussiarnersumik inuulluaqqusillunga



Martha Abelsen